

Arkiv	Saksbehandlar	Møtedato	Sak nr.
011.0	Knut Øyjordet	08.02.17	8/17

DELEGASJONSREGLEMENT*Saksdokument:*

Sak 37/97 (er kopiert opp og vedlagt saka).

Saksutgreiing og vurdering:

Fjellstyret vedtok delegasjonsreglar i 1997. I tillegg til desse har det med åra vorte gjort vedtak om delegering innafor enkelte saksområde, som t.d. kvoter på rypejakt. I praksis har det fungert slik at ein del kurante saker har vorte behandla etter fullmakt, dvs. at fjellstyreleder og dagleg leder i fellesskap har tatt avgjerd. I tillegg har administrasjonen ved dagleg leder hatt ansvar for avgjerd i mange saker, som t.d. tildeling av dagskort i treningsfelt for elghund, trekking av jaktkort for småviltjakt med hund for utanbygds, fordeling av kvoter på elg- og hjortejakt osv. Det har vore føremålstenleg og ryddig og fått samla alt dette i eitt delegasjonsreglement. Nærare orientering om dei ulike forslaga og med eventuell grunngjeving blir gjeve direkte i møtet.

Innstilling til vedtak:

Vågå fjellstyre har fastsett følgjande delegasjonsreglement gjeldande frå 08.02.2017:

1. Dagleg leder får fullmakt til å ta avgjerd i slike saker:
 - Søknad om hundprøver/jaktpørøver.
 - Trekking/tildeling dagar for bruk av treningsfelt for elghund og harehund.
 - Vedtak etter forskrift om jakt, felling, fangst og fiske i statsallmenning om å godkjenne tildeling av storviltjakt.
 - Endring i jaktag i samsvar med "Generelle reglar vedr. elg- og hjortejakt i statsallmenningar".
 - Fremje forslag på kvoter for elg-, hjort- og rådyrjakt i Langmorkje (til styret i Vågå Sør viltområde i samband med revidering av bestandsplan), og vedta dei årlege kvotene i Langmorkje.
 - Fordeling av kvoter på elg- og hjortejakt på dei ulike jaktfelta, inkl. tildeling av tilleggsdyr (gjeld den ordinære haustjakta).
 - Opne for jakt på elg i tida 01.11 – 23.12, og elles regulere dette, m.a. å kunne stoppe jakt i enkelte felt før den 23.12.
 - Tid for oppstart av jakt på elg i utvida jakttid (trekkelgjakt), dersom det blir opna for slik jakt, og bruk av aktuelle jaktområde.
 - Stoppe hjortejakta og/eller rådyrjakta før 23.12 dersom føreforholda tilseier det (gjeld spesielt bruk av hund).
 - Trekking/tildeling av rådyrkort.
 - Trekking/tildeling av jaktkort for småviltjakt (gjeld jakt for utanbygds med hund).

- Fastsetjing av dagskvote for jakt på rype med bakgrunn i takseringsresultat og fagleg vurdering.
 - Med grunnlag i kunnskap om rypeproduksjonen, opne for eit avgrensa kortsal for jakt med fuglehund for utanbygds seinare på hausten, t.d. eit visst antal dagskort i oktober.
 - Mindre vesentleg endring i fiskereglar (som t.d. antal garn og maskevidde).
 - Trekking/tildeling av fjellstyrehytter som er basert på søknad om leige (gjeld hytter øyremerk for innanbygds).
 - Kurante saker som gjeld søknad om oppføring av bygg på seter.
 - Kurante saker som gjeld søknad om løvye til motorferdsel i utmark.
 - Kurante ”hastesaker” med tidsfrist ei stund før neste fjellstyremøte, som t.d. uttale til Statskog i ulike arealdisponeringar.
 - Søknad om plukking av mose.
 - Innkjøp av nødvendig utstyr til drifta som ikkje er budsjettert.
 - Tildeling av tilskot/gave i ”mindre” omfang som ikkje er budsjettert.
 - Melding av privatrettslege forhold til politiet.
 - Påleggje og fordele nødvendig helge- og heilagdagsarbeid, samt kveldsarbeid for dei tilsette.
2. Dagleg leder må sjølv vurdere om enkelte saker som er opplista i punkt 1 skal takast opp med fjellstyrelederen eller fjellstyret før avgjerd blir gjort.
 3. Alle saker som er avgjort etter fullmakt, skal leggjast fram som referatsak på neste fjellstyremøte.

Vedtak:

Samrøystes: Som innstillinga.

Rett utskrift.

Vågåmo, 08.02.17

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no